



Na osnovu člana 70. stav (3) i (6) i člana 72. stav (3) tačka f) Zakona o javnim nabavkama („Službeni glasnik BiH“, broj 39/14) i člana 3 stav 1. Odluke o proceduri stvaranja obaveza, broj P-177/08 od 28. marta 2008. godine i broj P-177/08-I od 15. aprila 2009. godine, predsjednik Ustavnog suda Bosne i Hercegovine, donosi

ODLUKU

Član 1.

Poništava se odluka o izboru najpovoljnijeg ponuđača za nabavku usluga osiguranja iz lota 1 – osiguranje imovine za potrebe Ustavnog suda Bosne i Hercegovine, broj P3-83/16-I od 24. februara 2016. godine, u dijelu kojom je ugovor dodijeljen najpovoljnijem ponuđaču “BSO“ d.d. Sarajevo, ponuda broj 44/16-06, za ponuđenu cijenu od 1.155,29 KM.

Član 2.

Prihvata se Preporuka Komisije za javnu nabavku iz zapisnika od 7. marta 2016. godine i ugovor za javnu nabavku usluga osiguranja iz lota 1 – osiguranje imovine dodjeljuje se drugorangiranom ponuđaču „TRIGLAV OSIGURANJE“ d.d. Sarajevo, ponuda broj 08-2619/16 za ponuđenu cijenu od 1.960,00 KM.

Član 3.

U ostalom dijelu odluka od 24. februara ostaje nepromijenjena - Ugovor za nabavku usluga osiguranja iz lota 2 – osiguranje službenih motornih vozila ostaje dodjeljen ponuđaču „BOBAR OSIGURANJE“ a.d. Sarajevo, ponuda broj 112/16 za ponuđenu cijenu od 2.861,38 KM.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav (2) Zakona o javnim nabavkama.

Obrazloženje

Odlukom o izboru najpovoljnijeg ponuđača za nabavku usluga osiguranja iz lota 1 – osiguranje imovine za potrebe Ustavnog suda Bosne i Hercegovine, broj P3-83/16-I od 24. februara 2016. godine, ugovor se dodijelio najpovoljnijem ponuđaču “BSO“ d.d. Sarajevo, ponuda broj 44/16-06, za ponuđenu cijenu od 1.155,29 KM.

Dana 2. marta 2016. godine ponuđač “BSO“ d.d. Sarajevo je dostavio dopis kojim mjenja ponuđenu cijenu ponude za lot 1 - osiguranje imovine, i to sa 1.155,29 KM na 3.231,24 KM, obrazlažući je svojom greškom prilikom izračuna i pripremanja ponude.

Obzirom na nepromjenjivost cijena nakon otvaranja ponuda, Komisija za nabavku je istog dana zatražila od navedenog ponuđača da dostavi Izjavu kojom odbija da zaključi ugovor pod uslovima koji su navedeni u tenderskoj dokumentaciji i svojoj ponudi, koju je ponuđač 7. marta 2016. godine i dostavio.

Nadalje, obzirom da je u postupku nabavke usluga osiguranja iz lota 1 – osiguranje imovine putem konkurentskog zahtjeva za dostavu ponuda dostavljeno pet (5) ponuda sačinjenih u skladu sa uslovima iz tenderske dokumentacije, u skladu sa članom 72. stav (3) točka f) Zakona o javnim nabavkama, a na osnovu Preporuke Komisije iz zapisnika od 7. februara 2016. godine, odlučeno je kao u članu 1. ove Odluke, te se ugovor za javnu nabavku usluga osiguranja iz lota 1 – osiguranje imovine za potrebe Ustavnog suda Bosne i Hercegovine dodjeljuje ponuđaču „TRIGLAV OSIGURANJE“ d.d. Sarajevo, čija je i prvobitna ponuda po rang-listi odmah nakon prvobitne ponude ponuđača “BSO“ d.d. Sarajevo.

Ova odluka objavit će se na web stranici Suda www.ccbh.ba istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

POUKA O PRAVNOM LIJEKU:

Protiv ove odluke može se izjaviti žalba ugovornom organu, najkasnije u roku od 5 (pet) dana od dana prijema, na način definisan članom 99. Zakona o javnim nabavkama.

Žalilac koji je propustio izjaviti žalbu gubi pravo tražiti ispitivanje zakonitosti po istom osnovu, u kasnijoj fazi postupka.

Broj P3-83/16-II
7. mart 2016. godine
Sarajevo

Predsjednik
Ustavnog suda Bosne i Hercegovine
Mirsad Čeman



Dostaviti:

1. Ponuđačima: 6.-
2. Finansijskom odjelu
3. Administrativnom odjelu/Arhivi